


# Matthew 26



Naapahe tabeno  
ka Gi Namayuadu  
Tukaba mu  
nanesootuhi ewa  
tukakwuna penipunne,  
soo Te Pabe'e ka Bethany-wi  
petuga Lazarus-baa oo  
nobe-kwi, ookow soo  
Te Pabe'e ka o'nosoo  
mayodapu oo ya'ekwikoo.



Togesoo mu  
tuka aata soo  
Martha punne'e,  
Mary, unu nanenagadu,  
besa kwanadu nakwana'a  
ka Te Pabe'e kuku-koobatu  
hanehoose, tu tzopuhu-ma  
oo-ma'wonge. Soo  
nakwana'a no'oko ka  
nobe-tootuu besa kwanakupunne.



Sumu'yoo mu Te Pabe'e nakatzimodu-matu Judas Iscariot mee naneadu ka mu Jew numu tutunehanedu-baa petuse mee mu netamma, "Nu oo sopedakwatoos ka Ne Pabe'e pukwi'yoona nu sumuna mu tuukwekwu."



3

Mu tutunehanedu besa sokwama ka oo nakase umu yise ka Judas tumasumudooku. Soo Judas yise meeo soonamme, "Hownnekoo sakwa nu ka Te Pabe'e-matoo mu bika?"



4

Numme ka Te Pabe'e tumayohokuna, ka ne nanesootuhi yongo tukakwuna mabetsabe. Ka togesoo ne tuka aata soo Te Pabe'e ka tukaba gwuuhoose oo-koobatoos nanesootuhise oo ttabokahoo. Ookahoo numme pumme nakatzimodu hemehoose mee unakwe, "Mu sakwa eka tukaba tuka esoo nuga tookoo-matu-kwa'ne'yoo."



5

Soo Te Pabe'e yise ka tseda gwuuhoose ka atsa baa oe tuonahoose oo-koobatoos nanesootuhise mee ne netamma, "Mu sakwa no'yoona mamatu hebe. Esoo nuga puupe-kwa'ne'yoo. Soo Te Naa moosoo tunemamakwupu nu mu-koobatoos nabatsa. Oonne'yoona yise soo Te Naa mu tuma'emukwana soomu'wakwu."



6

"E besa pua'a Simon Peter, soo suta'yoo mu tapokakwu te manena gi petzabena. Pana nu u nanesootuhikute u sakwa gi e naka'oedyukumakwupana. Ka u unnekwuna saa'a nemakodyuse u sakwa umu ta pupua'amu besa mu nanesootuhi meakwuna mu nemayugwekwu."



7

Soo Simon Peter yise mee ka Te Pabe'e netamma, "Nu oosapa u-no'yookwu tooe taka mu wutuma tooetoo taka mu goekwuse sapa." Soo Te Pabe'e yise ka Simon Peter meeo netamma, "Awamooasoo gisoo ka tsekuna kwu'a yaka, u saa'a pahe mu numu mee netammapunnedoo, 'Nu maka Jesus gi sopedakwatoos.'"




8

Soo Te Pabe'e yise numme-no Gethsemane-wi petugase onona yise mee ne netamma, "Yowsoo aatapunne nu nanesootuhigakwu." "E Naa Toogoopatu. Nuga Naa Toogoopatu. Nuka u tunetammakuse nu oo-toogoo meakwu. Ekow e pewu-kwitu suda nummana, kadoo'oo mayugwe." Soo Te Pabe'e ka nanesootuhim-akwuse tu pupua'amu utua'e mu mayu petuga.



9

Mu Pharisee numu ka numu-koobato yadooadu-no, ka mu tukwutumadu ka Judas Iscariot namoohe tuunguna. Soo Judas oo sopedakwatoo ka tumasuape-naga, pukwi'yoona mu nanesootuhidyina, ka Te Pabe'e oosapa onatoo meayakwe ka numme pumme nakatzimodu-no. Soo Judas ka mu tukwutumadu ka Te Pabe'e-matoo bihooka. Umu ewahoo tukootabuakunoo, tsegesa noko wehe hehemana.



10

Sumu'yoo mu Te Pabe'e nakatzimodu yise sumuoo mu Jew pabe'e tummatziwabe naka tseka'akwunihoo. Soo Te Pabe'e yise meeoo oo netamma, "Mow sapa." Ka meeoo oo netammase ka nana naka pukwikoo oo nakwuga'ahoo-kooba matuguse soo oo naka besa mani.



11

Mu tukwutumadu yise ka Te Pabe'e-ma tzakaduse oo bika ka mu Jew-numu tutunehanedu naa-matoo. Soo Peter kwinga'a mu-nakwi meadabe. Ka mu numu yise ka tune hane nobe-kobenakoo pedahoose soo Peter yise ka mu numu-naga katu.



12


Soo Peter pudutse'e sumuhoo nana naka wuka'akwunihoo. Oo nanumu yise mee ka Peter netamma, "Nu u poonne u ka Jesus-no oona ka tumasuape-kwi." "Nu gi o," mee soo Peter, o'no yise soo kwe'na'a kwu'a yagakooaha. Soo Peter pumme unnepu soomayuse yagakooaha.



13

Mu numu tutunehanedu ka Te Pabe'e tzakunana ka tibo'o numu nehanedu Pilate mee naneadu-kobena oo bi petuga. Soo Pilate yise ka Te Pabe'e tubenga, "U haa'a mu Jew numu-kooba katukwudu?" Soo Te Pabe'e meeoo, "Aha, o umesoo unnena." Soo Pilate ka Te Pabe'e too'e netzama'wusoo pana

mu numu ewa unnegonno, "Oo tzakwenne, oo batsa."



14

Soo Pilate yise ka mu Jew numu moohedu meeo netamma, "Yaa'a soo mu Pabe'e." Umu ewa unnekooha, "A tzakakase, a tzakwenne." Soo Pilate yise mu tubengu, "Nu haa'a sakwa eka mu-kooba katudu tzakwenne?" Soo numu nanesootuhi moohedu meehoo, "Numme Rome-kooba katudu suu'mu nakabetsea. Numme gi kumma'asoo moohedu nakabetse'a."

Soo Pilate yise ka mu Roman tutukwutumadu ka Te Pabe'e tzakwenne tuungu.



15

Soo Te Pabe'e yise ka sunngabe namadabuenna pumato tu natzakwenekwuna, puma tu nataposakwuna, tzanona me'a ka pumme tu wumahukase. Oona ka Numu Tzonoho mee naneadu-wi petuga.



16


O'no umu ka Te Pabe'e waahoo nanana noko, ka sunngabe namadabue-matoo tapotseda. Soo Te Pabe'e mu naamookwi mu waha'yoo oo nana'enakwa.



17

Soo taba koomeba-ma natzadoboyahoo. Soo wunapu ka Te Naa pooha pukwi'yoona mu pooha maneyina naamootoo natzakwenedu pa'anakwana tubongo oo naamootoo natzagebu'ehoo.


Soo Te Pabe'e ka Te Naa mee nanetzakwiya'e, "E Naa meno'o u-matoo e moogooa meahookwu." Yise soo Te Pabe'e ya'ehoo.



18

Soo nana, Joseph mee naneadu, Arimathea-wikoo nobe-ga'yoo, ka numu tutunehanedu-matu, unu napetzabedu. Toogoopatu Te Naa ka teepu besa oo yugwekwunu wutooedu. Ka tu pudu yongoga'a soo Joseph ka Pilate

nobe-kwi petuga yise oo tubenga, "How sakwa u ka Te Pabe'e tookoo e tzagea?"



19


Soo Joseph yise ka Te Pabe'e tookoo tzakwekuse toha wunapu hane petuse, oe oo manobe. Tupe tuwaga-kwi oo tugu. Pabow tupe o-kobenatoo tonanoohoo.



20

Ookow moo'a mu Jew numu  
tutuneh-anedu no'yoona ka  
Pilate-baa petuga. Umu  
mee oo netamma,  
"Numme oo soomayu soo  
Jesus uga meeo ka  
mu numu  
esaya'ekuyakwe ka  
saa'a ya'ese waha  
Tabeno

manese  
namayodakwu."



21

Umu yise ka pukwi oo natugu-kwitoo  
mease unutse oo madumahoo,  
o'no gi haga oe  
egea-wa'ne'yoo,  
umu yise mu  
tutukwutumatu  
ooka eya'e tuungu.




22

Yise ka nanesootuhi tabeba waha  
tabeno oo tabemease ka Te  
Pabe'e ya'ese oogow  
awamooasoo, mu Mary  
Magdalene-no Mary ka  
Te Pabe'e  
natugu-kwitu  
poonne memeahoo.



23

Gisoo ka oe mu pepetuga'a soo  
teepu unu yutsungakooaha yise  
soo Te Naa tummatzidu  
toha kasa-ga'yoo ka tupe  
oo koobenatu  
tonanoekwunihoose  
oo-kooba katuoo.



24

Ka mu momoko'ne pepetuhogase soo  
Te Naa tummatzidu mee mu  
netamma, "Gi suipana, nu oo  
sopedakwato mu ka Te  
Pabe'e tookoo wate.  
Pana soo Te Pabe'e  
gi yow, mooasoo  
yotsepu ka tu  
unne-kwa'nesoo.

Kekemowse ka pukwi  
oo natzatugupu  
poonne."



25

Umu momoko'ne yise yabesoo ka  
pukwi'yoo oo natugupu-wi'yoona  
memeahoose, besa sokwama gisoo  
besa oo nakasopedakwadoopana,  
mu nakatzimodu tuukwega.  
Mu momoko'ne memeara ka  
Te Pabe'e Jesus wegease  
Te Pabe'e mee mu netamma,

"Ha'oo mu?"



26

Umu yise oo-tamme kekemase  
oo-kobena meatzedokwatase oo  
kuku-kooba matuoonase  
oo-matoo nanesootuha'e.



27

Penakwa mu Te Pabe'e nakatzimodu tuka, soo Te Pabe'e mu natzapoonneku, mee yise mu netamma, "How manena mu gi oo naka'oedyukute, tooe ka umu numu mumme tuukwe'e sapa?" Soo Te Pabe'e umu-no yadooamakwuse, yise togoopato tseboogase, ka Te Naa tumadinakwa katu petuga.

28

Te Naa no'oko numu ka  
teepu-koobatu besa soobedyana,  
tu besa dooa tamme-koobato  
nemawuni. Tooe haga tooe  
nu-kwi tunaka'oedyukudu  
gi ya'ekwu oosapa  
gwetzoinummekwu.

54

60

29

Romans 3:23

Tamme ka no'yoona tuma'emukwakupuna, gi ka Te Naa tamme oo netamma-kwa'nesoo manena.

Romans 6:23

Tammesoo tuma'emukwana ka te ko'e, pana soo Te Naa te sootuha'e te gwetzoimokwuna, ka Te Pabe'e Jesus tamme-koobato nabatsase.

Hebrews 9:27

No'yoona numu sumusoo ya'eyakwe. Obenakwato yise soo Te Naa no'oko te tumatugupu nemadunagakwu.

30

Ephesians 2:8,9

Tooe tamme gi ka tamme oo tunetammakuna no'oko mayohopana soo Te Naa te sootuhikwu. Oosoo te magwetzoikwu ka te tunaka'oedyukute. No'yoona tamme gi mee'e nana'unne-wa'ne'yoo, "Numme nummesoo namagwetzoa'e ka besa tumatuguna." Soo Te Naa puusoo tamme sootuhikwu.

Romans 10:9,10

"Soo Jesus Te Pabe'e," mee'e tamme unnena tamme oo tubetse naka'oedyukuna, soo Te Naa oo ya'e-wikoo oo mayodase, yise oosoo te magwetzoikwu. Tamme ka tunaka'oedyukuna soo Te Naa, "Besa'yoo," mee te netamma, tamme yise ka oo wahana, soo Te Naa te magwetzoa'e.

31

John 3:16,17

Te Naa no'oko numu ka teepu-koobatu besa soobedyana, tu besa dooa tamme-koobato nemawuni. Tooe haga tooe nu-kwi tunaka'oedyukudu gi ya'ekwu oosapa gwetzoinummekwu. Soo E Naa ka yaa teepu-koobatu numu e magwetzoituunguna yaatoo e ta'ya, gi nagutza ka mu sutakoo numu kadoo e mayugwe tuunguna.

1 John 5:11-13

Soo Te Naa meeo te tunetammakupu ka Te Pabe'e mane-koobato gi mobegwa-gakwu oosapa te gwetzoimokwuna te sootuhikwu. Soo tooe haga tooe ka Te Pabe'e naka'oedyukudu tu namagwetzoina nasootuhikwu, soo gi tunaka'oedyukudu gi. Nu mumme Te Pabe'e naka'oedyukudu-matoo tubo'o o'no nu nananesootuha'edu numu ka oosapa gi mobegwa-gakoo namagwetzoidu, pumme tu sootuhipu sopedakwadookwu.

32

Matthew 26-28; Luke 22-24; John 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Paiute, Northern NT (pao) © 1985, Wycliffe Bible  
Translators, Inc. All rights reserved.

<https://live.bible.is/bible/PAONAB/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)